

Viies muinasjutupäiv Mikidämäel

Mikidämäe koolimajah oll 28. novembril viiendät vuuri muinasjutupäiv, vaest tulõsi' üldä', õt oll noortõ näütemängo päiv. Ku nii edesi lätt, sis tulõ Setomaalõgi tetä' uma teatrimaja nii ku Saarõmaalõ. Nuuri näütemängolitsi oll ku sügüsetse vihma aigu porovikki. Innidsel aol vanõba' inõmisõ' ai' jut^usit, oll' jutusõajaja'. Sis oll tuu aig, ku' mõistõti kullõlda', miildü kullõlda'. No' om aig lännu' tõistsagamatsõst, inõmisõ' jovva-ai' inäp kullõlda', no' om vaja ette näüdädä'. Ette näütäminõ tull hõste vällä, oll midä kaia' ja' kullõlda' ja' umaette märki'. Niimuudu vannu jutusit ette mängih opisõ' seto kiilt nii tegijät ku' kaeja' ja pääle tuu saias tiidä' mäntsi' jut^usit aeti.

Seovoori Mikidämäe Põhikooli säitsmendä klassi latsõ' mänge' vana jutusõ vahtsõ tekstiga'. Peräst ma' küüse latsi käest, õt määne mäng kõgõ rohköba miildü ja' ülti, õt Mikidämäe ja' näide repän.

Kõgõ noorõba' esinejä' oll' Mikidämäe lastõaia latsõ'. Näil oll jutusõh väikene valgõ kaalaga' hiirekene, kiä' oll vaesõlõlatsõlõ abimehes. Illos jut^us ja hää kaia'. Suurõ tüü oll tennü' kasvataja Liivi Koitla.

Paul Hagu kokko pant seto pajatustõ raamadust oll mõnigi kuul uma jutusõ võtnu'. Saatse Põhikuul mänge säält jutusõ "Päävä puul kostmah" ja "Kukk silmäh". Julgõ' latsõ' ja' näide seto kiil oll hüä. Näide oppaja oll Tea Korela.

Kõõ kuts^utas külälisesinejäid ja seogi kõrd oll nii - Liina Saksing, Kagu-Eesti naljahammas 1999. Nuur latsõkõnõ esit mito pikkä juttu tämbätsesst pääväst, elost ja' poliitkast. Vanaimä mõtlõs jutu' vällä ja' latsõlats julgõhe esitäs näid rahvalõ. Ma' edimält saa-as arvu, õt mia' no' om, a' peräst taipsi, õt mõttõ' omma' täüskasunu' inõmisõ uma', a' kihä om latsõ uma, kiä' pruum olla' suurõp ku' tä om. Liina kõigilõ miildü ja timäl om kindlahe tõõnõgi kõrd oodõt.

Liinalõ jää-äs ala uma Setomaa poiss Verskast, Leivo Laats, kiä' ai vanaoaltsõ jutusõ rebäsest hanõkarah. Mullõ miildü.

Verskast Gümnaasiumi oppaja Ilme Hoidmetsa 11. klassi õpilasõ' esidi' luulõpõimiku Paul Haavaoksa luulõst. Kiä' kuis tuu nuuri uma keele ja kultuuri mano. Ilosa' noorõ' inõmisõ' tegevä' kõkkõ ilosahe. Tõõsõl aastagal hüä meelega' kaesi' näid vahtsõst, a' sis jo' mäntse seto jutusõga'.

Sügüse mõtlõsõ' kõik, õt kuis seo pikk ja külm talv üle ellä'. Inõmisõ' tegevä' talvõst puid, mõnõ' eläjä' läävä' hoops ar' magama, a' Obinitsa latsõ' näütsi' kuis looma' majja ehitäse'. Oppaja' Aira Tarros ja Rieka Hõrn oll' rõivastõ pääle hoolõga' mõtõlnu', eiski' sügüsetse' puu' oll' tunda'.

ja' pääle pliine süümist naati kodo poolõ kobima. Vällä oll hõigat, õt seto tandsa oppas Ahto Raudoja Tartost. Ain Raal naas mängmä, a' kohki paistus tandsoppajat. Täüsinõmistõga' võit nii tetä', õt eis' tandsit iih ja' tõõsõ' mõistva' kaia' ja' perrä tetä', a' latsiga' nii saa-ai'. Tõõsõl aastagal vaest piasi' kõik nulu-



Seto jutustepäeval Mikidämäel mängis vahvalt rebast Mikidämäe lastealapoiss Erki Kannel.

Ain Sarve foto

Meremäe Keskkuul mänge rebäse hanikarjah kaunist. Repän oll siihki' väiga julgõ ja elälv. Om hüä kaia', kui õgaüts mõist ummamuudu seod jut^ust näüdädä'. Paar aastakka tagasi näi väiga ilosat näütemängo hanikar'usõst Lüübnitsa rahvamajah talsipühi aigu, ku' säält mänge' Koksina kooli väiko' latsõkõsõ'.

Jutusitõ vaihõlõ laul Mikidämäe "Kullerkupp". Säntsilõ ilosilõ ja kõrdamüüdä rõivih näio-silõ olõsi' vanastõ k'aunu' amm^uki' kuvvõ' kos'a'. Seto keeleh pias näid näiosid kutsma Kulderkõlla' vai Kullõrkukk. Mõtõlgõ' tuu pääle.



Niimuudu tuu pääväkene läts

ga' löüdmä' aigu ja' pruuma olla' tsuut kavvaba. Oppaja' võisi' mõtõlda', õt nuurrahvas taht rohköba aigu kuuh olla' ja' tõõnõtõõsõga' ka' kõnõlda'. Tulda-ai' õnnõ hinnäst näütämä, tuldasa ka' vahtsit tutvit saama.

Õgas kiäki saanus Mikidämäele tulla', ku' olnus iistvõijit. Pääkõnõlõja ja' päävä vedosnik oll Sulo Nurmõots. Üts kokkohõikaja oll Aino Leppoja, tõisi ma' nimmi piteh tiia-äi'. Tuu om kindla, õt säänest päivä om Setomaalõ vaija. Kõigilõ Mikidämäe as'aajailõ hüvvä tervüst ja joudu vahtsõl aastagal!

Mullõ jutusõ' miildüse' ja' tulõ tõõnõgi kõrd.

ÕIÕ SARV



Mikidämäel eläs üts luulõandõga' naane - Aleksandra Leivo. Imä oll täl sõnolinõ ja hüä lauluheliga' ja tütrelegi' om andnu' edesi sõnasäädmissõ tahtmissõ. Sügüse oll Põlva leheh "Koit" Alli luulõtus Estonia laivast ja kuvvõnda klassi kooliraamaduh om ka' üts timä luulõtus seeh.

Jaanuuri kuu 17. pääväl oll Aleksandra Leivo sünnüpäiv. Hüvvä tervüt ja ilosit luulõtuisi.

ÕIÕ ja AIN SARV